

健康促進逗陣行答喙鼓比賽文章

我是阿綺…我是阿如…上台一鞠躬

甲..無啊..咱無代無誌站佇這做啥〈甲雙手一攤做不懂的表情〉

乙..今那日是欲來講一寡佢健康有關係的代誌..比如講..食物件..

甲..〈乙說到物這個字.甲就搶話〉對對對.先顧腹肚才顧佛祖..『趕人生.趕人死.趕人食飯無天理』

乙..莫赫青狂好 bo3.今那日是欲講健康佢衛生的代誌..不是欲講食鮮燥赫爾簡單的代誌..

甲..啊毋過..阮阿嬤講垃圾食垃圾肥..清氣食吐目蕊..她們自細漢就攏濫觴食..足少破病呢..不乾不淨吃了沒病..

乙..俺娘喂..吃了沒命就害溜溜喔..阿嬤的意思是講毋通傷清氣性.無.身體會無抵抗力.毋過即碼時代無仝啊..現此時.阿里不達的病一大堆..食物件要足注意..尤其是食藥仔是愛擱較登真喔..

甲..食藥仔就食藥仔..清採啦.

乙..講到妳捌.你的目眉就打結..妳敢知影咱台南市洗腰子的人數是全世界排頭名耶呢〈講第一句時用扇子點幾下甲的肩膀〉

甲..驚死萬代人..有影無影罔騙呢.是按怎會這爾悽慘

乙..啊就台南人愛食青草仔啦.藥草仔啦..電台在賣的藥仔嘛有足濟阿公阿嬤足愛買來食..

甲..天壽喔..烏白買便藥仔來食..上蓋損腰子〈皺眉.用手按腰〉

乙..就是講按呢啊..咱佇這就愛奉勸鄉親序大..賺錢有數性命嘛愛

顧.無通烏魯木齊濫觴食..食久就臭培

甲..無毋對..尤其是即碼流感當咧流行..平常時愛定定洗手.無水就

用乾洗手.西藥房攏有咧賣.

乙..囡仔兄囡仔姊..毋好把指頭匡在嘴內..去公共場所愛共嘴俺仔

戴咧.若感覺身體怪怪就緊揣醫生..

甲..若是拿 ue3 著流感..就愛請假佇厝內歇睏.莫出來趴趴走..〈乙

一直點頭〉

甲..〈雙手抱拳〉.阮佇這欲祝福大家.

甲乙..〈雙手抱拳〉健康身體好..食飽無煩惱

我是...我是...下台一鞠躬多謝魯力

大社國小母語老師 廖青香擬稿 2016.3.8pm23:07